

UNIVERZITET U TUZLI
Ul. Dr. Tihomila Markovića br. 1
Broj: 01-161-JN-11/23 LOT 1
Tuzla, 20.02.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-161-JN-10/23 LOT 1 od 19.02.2024. godine, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove, *donio je*

O D L U K U **O IZBORU NAJPOVOLJNIJEG PONUDAČA**

I

U okončanom Otvorenom postupku za javnu nabavku namještaja za opremanje INTERBA laboratorije - računarskog centra (LOT 1), izabran je ponuđač „DERBY TRADE“ d.o.o. Brčko sa ponudnom cijenom od 7.079,00 KM bez PDV-a, odnosno 8.282,43 KM sa PDV-om, te se istom dodjeljuje ugovor o javnoj nabavci roba.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da, u roku od 5 (pet) dana od dana prijema ove Odluke, dostavi original ili ovjerene kopije svih dokaza iz člana 45. stav (2) tačka a) do d) Zakona o javnim nabavkama BiH, u skladu sa tačkom 9. Tenderske dokumentacije.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke namještaja za opremanje INTERBA laboratorije - računarskog centra (LOT 1) putem Otvorenog postupka javne nabavke namještaja LOT 1 – LOT 3, broj: 01-161-JN-2/23 LOT 1 – LOT 3 od 17.11.2023. godine, objavljenog na Portalu javnih nabavki, obavještenje broj: 795-1-1-105-3-140/23 od 01.12.2023. godine, a sažetak u „Službenim novinama BiH” broj: 83/23 od 08.12.2023. godine i WEB stranici Univerziteta.

U roku utvrđenom tenderskom dokumentacijom blagovremeno su dostavljene četiri (4) ponude, ponuđača: Schwam Miroslav Brdar S.P. Banja Luka, „DERBY TRADE“ d.o.o. Brčko „LARIX“ d.o.o. Doboj i „HAFELE BH“ d.o.o. Gračanica.

Nakon javnog otvaranja ponuda Komisija za javne nabavke izvršila je detaljnu provjeru dostavljenih ponuda te utvrdila da ponuda ponuđača „LARIX“ d.o.o. Doboj ne sadrži Izjavu o garantnom roku za ponudeni namještaj što je zahtijevano tačkom 4.1.k) tenderske dokumentacije, te da ista nije pripremljena u skladu sa tačkom 4.4 tenderske dokumentacije, u dijelu koji se odnosi na Način dostavljanja dokumenta koji su zajednički za više lotova, gdje je jasno propisano da se ponuda za svaki LOT pakuje u posebnoj koverti/paketu, koje se opet zajedno pakuju u jednu zajedničku kovertu ili paket ili posebno za svaki LOT, a ponuđač je dostavio ponudu za LOT 1 i LOT 2 zajedno u jednoj koverti ne uvažavajući navedene upute. Zbog navedenog ponuda ponuđača LARIX“ d.o.o. Doboj je ocijenjena kao neprihvatljiva i nepravilna.

Ponuda ponuđača Schwam Miroslav Brdar S.P. Banja Luka sadrži sve kvalifikacione dokaze zahtijevane tenderskom dokumentacijom, ali ponuđeni namještaj nije u skladu sa zahtijevanim karakteristikama. Tačnije, ponuđena stolica pod rednim brojem 2. Obrasca za cijenu ponude nije u skladu sa opisom navedenim u koloni 1. iz razloga što postolje stolice nije zvijezda, a što je utvrđeno na osnovu priložene fotografije/kataloga na strani 19. ponude ovog ponuđača. Zbog navedenog ponuda ponuđača Schwam Miroslav Brdar S.P. Banja Luka je ocijenjena kao nepravilna.

Ponude ponuđača „DERBY TRADE“ d.o.o. Brčko i „HAFELE BH“ d.o.o. Gračanica sadrže sve dokaze zahtijevane tenderskom dokumentacijom i ocijenjene su kao prihvatljive.

Prihvatljive ponude kvalifikovanih ponuđača unesene su u bazu e-nabavke da bi se iste vrjednovala u odnosu na zadani kriterij odabira „najniža cijena“ i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 80/23).

E aukcija je zakazana za 14.02.2024. godine u 10,00 h i okončana je u 10:10 h.

Nakon okončane e-aukcije i u skladu sa Izvještajem o toku i završetku e-aukcije od 14.02.2024. godine, sačinjena je slijedeća rang lista ponuda po povoljnosti:

PONUĐAČ	PONUĐENA CIJENA KM (bez PDV)	RANG
„DERBY TRADE“ d.o.o. Brčko	7.079,00	1.
HAFELE BH“ d.o.o. Gračanica	7.080,00	2.

Budući da ponuda ponuđača „DERBY TRADE“ d.o.o. Brčko po svim kriterijima zadovoljava zahtjeve i ispunjava uslove utvrđene tenderskom dokumentacijom, te da ima prihvatljivu ponuđenu cijenu to je Komisija predložila da se navedenom ponuđaču dodijeli ugovor za LOT 1 - Namještaj za opremanje INTERBA laboratorije- računarskog centra.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, v.d. Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj: 01-161-JN-10/23 LOT 1 od 19.02.2024. godine

v.d. DIREKTOR

ZA EKONOMSKE POSLOVE

Dr. sc. Azira Osmanović, dipl.oec



DOSTAVITI:
1x učesnicima
1x WEB portal
1x a/a